



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 21. De Petri Romeri oratione, mortificatione, & obedientia.

**urn:nbn:de:hbz:466:1-38528**

CAPUT  
XX.  
Petri Ro-  
meri vita  
series.

Pueritia-

Studia-

Ad religio-  
nem vocatio-In Paraqua-  
riam appul-  
sue.

Vita.

Missiones.

CAPUT  
XXI.  
De Petri  
Romeri  
oratione,  
mortifica-  
tione &  
obedientia.

Orandi affi-  
ditas.

Efficiens.

Afflictandi  
corporis stu-  
dium.

**P**ORRÒ Petrus Romerus, Hispali in Bœtica honesto loco natus, pænè infans cum parentibus in Occidentalem Indiam transmisit. Ibi puero res mira accidit: nam in rapido flumine navigans, cùm abrupta aquæ impetu cymbâ conto ipse in profluente, auxiliis & natandi expers, adhæsisser, repente in ripam, nullo homine juvante, delatus est, Superis, ut piè credendum est, pueri corpus ab submersione servantibus, qui tot animas ex æterno naufragio crepturus erat. Joanni Ladradae, Carthaginis in America Episcopo, pio castoque è Sancti Dominici familia viro, à parentibus traditus, ita inter ephœbos juventam translegit, ut nihil antiquius haberet, quām optimi Præsulis mores in se transformare. Apud nostros homines non magis latinitate, quām Religiosa vitæ desiderio imbutus, Societatem nostram ambivit, jam tum ostendens, spredo Americano auro, animarum saluti se totum velle impendere. In eam spem Didaco Torres, primo Paraquariae Provinciali designato, in Quiteni regno adhærens, ad celebrem Americæ isthmum navigavit, rursusq; cum eodem obverso in mari navim concendit, denique longissimo itinere probatus, in ipsa navigatione Societati se, multorum mortalium bono, anno hujus saeculi septimo, ætatis vigesimo-tercio, mancipavit. Tyroni Didacus Torres optionem dedit, ut si vellet, in Quiteni provincia rebus jam constitutis pacatisque frueretur; vel si in Paraquariam secum ire malleret, sciret plus quam sesquimille leucarum intervallo, per infesta ferocissimis hominibus loca, per montes frigoribus & altitudine terribiles, per paludes torrentesque, eundum esse; & dum eò per ventum esset, summam rerum inopiam in infinita prope locorum vastitate sustinendam. Verum hæc terriculamenta juvenem Christi Crucisque amatores invitârunt magis, quam retinuerunt: itaque nihil in deliberatione cunctatus, mediæ virtutis impatiens, arduam provinciam, in qua heroicorum facinorum materia sufficeret, eligens, Limam Peruviam metropolim contendit: unde in novam provinciam cum primis fundatoribus per Chilense regnum amissus, Cordubæ Tucumanorum tyrocinium continuatur, peragrata fermè tota Meridionali Americâ, constituit. Ibi primus Paraquariensis Sociorum ritè religiosa vota concepit, confessioque per compendium studiorum curriculo, cùm se Majoribus suis probasset, factis iniciatus, ad Guaicuræos amandatus, difficillima in palestra Apostolicæ exercitationis rudimentum felicissimè posuit: continuavitque deinceps per totos fermè quatuor & triginta annos varias Indorum provincias percorrere, tanto successu, quanto opus fuit ad adipiscendam viri plenæ Apostolici famam.

**Q**UAMVIS verò continui per tot annos labores, itinera, navigationes, ærumnæ, pericula, quibus Romeri vita partes omnes nexus quodam concatenatae, nullum culturæ mentis otium reliquisse videantur; tamen si quis enucleatiū perpendit potentiarum internarum ornatum, ita se is perpolienda animæ dedisse putabit, ac si nihil egisset exterius. Præcipuum mentis cultum ab orandi studio semper quæsivit. Quotidie intempestâ nocte è somno surgens tres quatuorve horas in Divinis colloquiis impendebat. Huic exercitio succedebat Sacrificium: Sacrificio per alteram horam continuato, pro communicato sibi Corpore & Sanguine Christi gratiarum actio. Porrò diuturnum hoc orandi pensum sibi impositum, nulla defatigatio, itinera nulla, labores nulli interturbabant, satis ut appareret Divinam familiaritatem ei in summis deliciis esse, quam tanta constantia conjectaretur. A Diuino colloquio recedenti, sèpè vel nolenti crumpebant ignita verba, sensum animi in salutem animarum plerumque intenti prodentia; unde facile quivis conficiebat, apud Superos suam & cæterorum causam perinde agere. Profectò quam esset hujus eloquentia peritus, qua Deus ipse impugnatur, testantur tot Barbaris imprætrare salutis argumenta, adeò ut Romero Deus ipse identidem insulurasse videatur: *Postula à me, & dabo tibi gentes hereditatem tuam, & possessionem tuam terminos terra.* Corporis quoque afflictandi studium in Romero fuit eximum. Satis constat per triginta annos in rete pensili, aut humi, sine linteis, sine culcitra, nocturnam in ueste diurna quietem cepisse, quam singulis noctibus quatuor horis terminabat. Cupediarum osor, cibi potionisque modum naturali necessitate finiebat: vini usu

perpetuò

perpetuò sibi interdixit. Præter imperatam statis tēporibus ab Ecclesia esuritionem, multoties jejunium, nullo obsonio ad aquæ potum & panis esum adhibito, usurpabat. Quotidie severā verberatione in se animadvertebat. Sæpè latera nuda laminis inter se concatenatis, quas aculei ferrati & mutices asperabant, constringebat; torrido sub cælo, intolerabili pænè tormento, præfertim si corpus sanguineum vividumque, quale Romeri erat, nancisceretur. His artibus Virginitatem, quam precibus à Deo assidue flagitabat, totâ vitâ integrâ conservavit. Addebat oculorum modestiam, membrorum compositionem, morum gravitatem, cum mulieribus severitatem, quibus monumentis vim & insidias dæmonis feliciter eludebat. Mulier effrons pudicitiam ejus periclitari ausa, repulsa cum dedecore passa est. Quâ victoriâ dæmon exacerbatus, rursus tentavit ejus constantiam, sed Veneris telis impene trabilem reperit. Jam de obedientia Apostolici viri promptum cuique erit, etiam silente me, æstimare, qui tot leucarum millia per tot regiones emenâ, tot res pro salute animarum ab ipso præclarè factas jussu majorum, ad cælulum reduxerit. Nemo deprehendisset imperata enervantem; nemo rerum iuscarum causas curiosè indagantem. Nec minus fiducia erat superioribus in imperando, quâ Romero promptitudinis in obsequendo: ejus rei vel illud documentum est, quod res arduas ei uni semper imponerent. Testatur id Guaicuræ ter aditi, Paranaenses toties exulti, Jarosî tentati, Japevivienses ad Fidem reducti, Caa-sapaminientes & Urvaienses baptizati, Tapensis Provincia tot oppidis aucta, Mamaluci fugati, tot oppida in tutiora loca transportata, Itatinenses compositi, Imperium denique Christianum ultra Paraquarium amnum productum. Num prosperum eventum res imperatæ habitare essent, nihil pensi habebat: suarum partium esse ratus iussa fideliter execui, & exitum Deo permittere. Sociis admiratione attonitus, quod tanto nisu lingua Guaicuræorum perdiseendæ nullâ fermè spe gentis aliquando convertendæ insisteret, per litteras respondit, quamvis cerrò sciret suâ operâ Guaicuræorum neminem convertendum, tamen se lubentissimè linguæ eorum discendæ reliquam vitam impensurum, cù se cogitatione consolans, quod Deus exigat à nobis obedientiam & conatum, non rerum eventum.

**E**ius animi demissio in omni vitæ parte eminuit. Sub initia aditæ Societatis solertiſſimè cavit, necubi æstimari ab Sociis ulla in re posset; quod ut assequetur, occulta negligentia probra propalabat, exaggerabatque in triclinio. Domi si quid officii despiciatum esset, promptius, quâ alii detrectaverant, artipiebat. In itineribus famulorum vicem obiens jumenta componebat, onera deponebat, cibos curabat. Nec verò in facilibus tantum demissionem hanc exercuit, arduis se se etiam per eam ingerere ausus est. Studiis Theologicis Cordubæ Tucumanorum non sine laude tum operam dabat, cùm plures Barbarorum provinciæ Societati primùm demandarentur. Laborabatur operarum penuriâ, quam ut suppleret Romerus, studiorum cursum, atque adeò spem supremi gradus per quatuor solemnia vota in Societatem obtainendi, abrumpi sibi ambivit. Quo facto, per omnem vitam humiliter de suo ingenio sentiendi omnibus anflam præbuit. Quod quâ arduum sit, clarius est, quam ut à me lucem expectet. E diverso, quâ laudum suatum osor contemptorque, tam patiens convitorum & injuriarum, si quæ per temporum iniquitatem contingenter, constanter fuit. Quemdam Prætorem in se fulminantem tacendo repressit. Boni-aëris Gubernatorem, ob defensionem Indorum verbis & baculo minacem, cädem immobilitate refrænavit. Barbarorum nondum domitorum pervicaciam mirabilis animi træquillitate mansuefecit. Alapam ab furibundo homine sibi impactam non aliter vindicavit, quam alteram maxillam præbendo: rupem verberari dices. Jam verò de caritate ejus erga proximos, quis satis dicat? Annuentibus Majoribus yoto se adstrinxit, inter Indos totam vitam positurum, & mancipii loco se illis futurum, ut quoscumque possit in libertatem filiorum Dei afferet. Nec inter verba stetere vota: factis melius amavit, quam verbis: nam, cœu servus emptius foret, singulorum bono inferviebat: nihil tam vile, tam abjectum, probrosumve erat, quod non pro turpissimi capitï salute

Virginitatem.

Obedientia.

Anæcephala-  
leosis ope-  
rum.C A P U T  
XXII.De ceteris  
Petri Ro-  
meri virtu-  
tibus.Demissio  
animi.

Patientia.

Caritas.